

續修四庫全書



《續修四庫全書》編纂委員會編

續修四庫全書

上海古籍出版社

三五三・史部・編年類

憲章外史續編十四卷

〔清〕許重熙撰

皇明大政紀二十五卷

卷一至卷十二

〔明〕雷禮

范守己

譚希思撰

一九九

2171/02

憲章外史續編

〔清〕許重熙撰

一八毫米寬二九一毫米
刻本影印原書版框高二
據北京圖書館藏明崇禎

序

臣其昌逮事

神祖獲侍

光考於舊懔躬逢盛美曷勝揄揚比

熹皇起臣其昌閒廢之餘與叅裁

兩朝實錄曾奉

詔赴留都採訪邸報之未發者臣時因錄留
中疏抄上進即未敢謂有合於史顧惟一
時經畫要當使之不泯臣間嘗覩嘉靖朝
有若大政編年識餘聞見諸錄萬曆朝有
若筆塵邱抄泰昌天啓朝有若日錄從信
紀政或出自侍臣隨事載筆或本之通儒

有故發憤皆可爲紀述之光愧臣力衰謝
不能筆削而統一之無俾折衷爲憾屬有
許生重熙袁近代之故實括諸家之舊聞
循其率次列以事言卷帙不病於浩繁精
陳殊快於簡易可謂義文兼美者矣臣其昌
謂史之難難在近事孔子大聖猶云紀定
哀之事則微乃欲據臆者執鑿齒之論持
孫盛之辭有駭而却走耳故末世以史爲
諱諱於近也重熙沉雅篤信動以古誼自
程少年爲諸生不肯詭遇求聞晚遊太學
從事南北闡幾幸而復落無聊困頓之中
輒著書自娛而嘉靖以來注畧其一種也

生之言曰無益之言正士不述今天下之

竊民取賊肆夷驕先臣貪禍至今未弭惟
嘉靖暨萬曆初年紀法足師以相救挽欲
求化理之助鑒戒胡可不脩臣試舉其脩
文而已述哉斯言可以破諱近之疑可以
鏡治朝之弊有志當世者可人置一編於

歷隅今

主上紹明

肅祖大洗叢脞之陋正臣工踴躍磨礪之日
然為嘉靖臣者斯能為嘉靖也治老臣不
敏願以數言先之

舊史臣董其昌撰



憲章外史續編序

臣恭讀

高皇帝大誥諸編及昭示奸黨逆臣諸錄凡誅其罪
者嘗數其前功懲其惡者時原其昔善紀能錄
過纖微畢悉刊行頒布與天下共見之天下共
仰

朝廷彰瘡之必不可誣民生善惡之必不可匿懷
刑者知法罔生者知懼其兢兢於敷教若此故
當時日曆聖政諸紀臣子纂述未嘗諱忌夫以
國事為諱忌天啓以後然也藏之金匱者既戒不
得輒窺筆之野乘者亦禁不得漫語縉紳士相
率買寶以趨事而莫知所則做於是君子小人
頽然煖亂而

朝廷賞罰遂因以失其所彰不足勸所瘡不足威
勸威謬而是非隨之其驩拊比周之迹錄益削
吁唏之文君子抱恨於顛倒小人屢萌於僥倖
其於

聖祖明刑弼教之意謂何哉竊謂

高皇帝開天立極慮周萬世比之堯舜

肅皇帝顯謨承烈佑啓後人同乎文武祖述未必遽

合憲章不可不勉試觀嘉靖時何等時也德吉
並驚烽火日驚破城殺將東西告急直海狂逞
幾半天下所在叢窟一止一起兵荒連歲租稅
全燭戰士歿生優卹屢下物力自當告訕智勇
至且交困然而

平謨捷於風霆臣畧運如水火犯顏敢諫者蹈饒不
移挺身任事者盈篋無悔一時精神氣色有陽
明無陰昧迨至隆慶以及萬曆之初股肱惟良
俊乂盈側邊鄙不聳稱人成事太倉粟支十年
間右蓋藏相望五十年兵燹刑厝何莫非

肅皇帝飭法所遺也一變而書海滿野部分南北再
變而燕雀處堂門庭召寇三變而狐鼠公行叢
神幾借矣天啓時魏祠穹碑爭詣競媚知有富
貴而不知有功名知有附戴而不知有忠順人
心漸滅殆盡豈世運使然哉亦繇塗塞耳目不
習見

先朝行事

國是晦而學術壞耳仲舒有言不通春秋之義者
前有譏而不見後有賊而不知守經而不知其
宜遭變而不知其權至哉言乎語曰不知行事

視已成事師心自賢未若觀省前人之百不誤
也魏相奏晁賈之論九齡述金鏡之篇有以哉
聖主焦勞自今羣臣泄沓如舊誰爲乎敬居正乎言
階拱乎誰爲廷相山曉乎宗憲崇古乎名爵繼
盛恩瑞乎揚揚中外考績加恩夫豈異昔人任
乃贊襄以拊過爲能封疆以避罪爲巧議論以
雷同爲尙身名輕於利祿情面重於法紀近喜
易襲遠慮難施逞臆易蒙蔽明難撤天下未嘗
無人蓋已事之不然而吉凶無辨也昔鐸椒居
楚以楚君臣不能盡觀春秋爲大楚事撰鐸氏
微臣草野無識試取嘉靖以來近事彰之聞見
者褒其大畧用大成編得失鑒戒展卷易覽錄
嘉靖以求觀洪武庶幾有合焉願附芻蕘之末
以供縉紳之一助云

崇禎六年癸酉重九日吏部候選監生臣許重
熙述序

定章外史續編目錄

第一卷

正德十六年四月至嘉靖六年十二月

第二卷

嘉靖七年正月至十五年十二月

第三卷

嘉靖十六年正月至二十六年十二月

第四卷

嘉靖二十七年正月至三十五年十二月

第五卷

目錄

嘉靖三十六年正月至四十五年十二月

第六卷

隆慶元年正月至六年五月

第七卷

隆慶六年六月至萬曆九年十二月

第八卷

萬曆十年正月至十八年十二月

第九卷

萬曆十九年正月至二十七年十二月

第十卷

萬曆二十八年正月至三十八年十二月

第十一卷

萬曆三十九年正月至四十八年七月

第十二卷

泰昌元年一月

第十三卷

泰昌元年九月至天啓二年十二月

第十四卷

天啓三年正月至七年八月

嘉靖注畧卷之一

太學生臣許重熙編次

世宗肅皇帝起辛巳四月終丙寅十二月

諱厚忽 憲宗庶孫在位四十五年改元嘉靖壽六十葬永陵

祖母孝惠皇太后邵氏 杭州人

父肅宗獻皇帝諱祐 封興王弘治七年九月之

母慈孝皇太后蔣氏 徐州人

孝潔肅皇后陳氏 元城人元配 廢后張氏

嘉靖注畧

孝烈皇后方氏 江寧人

哀冲太子載基 莊敬太子載堅 王貴妃生

景寧王載圳 國德安無子

內閣二十七人

少師楊廷和 封伯不受 晉太傅 費宏 首輔二楊一

清首輔四 張孚敬 初名璵 永嘉人 凡四夏言 貴溪

任首輔十 嚴嵩 分宜人 首徐階 華亭人 首

少傅蔣冕 文謝遷 正翟璽 諸城人 李時 任丘人 許

讚 雲寶人 呂本 餘姚人 袁燁 慈谿人

以保毛紀 文石珪 蔡城人 賈詠 臨潁人 桂萼 安仁

方獻夫 南海人 顧鼎臣 崑山人

太子張璧 石首人 張治 茶陵人 嚴訥 常熟人 李春

芳興化 郭朴 安陽人

袁宗臯 石首人 高拱 新鄭

右宗臯 以長史入 平敬 夢獻夫 蘇部郎 司錄 叩

書舍人 滌事中 一清 鑒俱出 巡邊 夢獻夫 贊訥

掌吏部 〇字敬進士 至一品 終七年

上於正德二年八月初十日生於興邸

辛巳正德十六年夏四月癸卯 帝即位 前月丙寅 宣

毅皇帝遺詔 丁卯太監韋霖侯張鶴齡駙馬崔元大

學士梁儲尚書毛澄奉詔之安陸 戊寅至邸 帝迎

嘉靖注畧

諸閣議乃登座受符 四月壬午辭 獻王園寢 翼日

辭母妃啓行 在道行二十日 壬寅至良鄉 禮部郎楊

應魁上儀狀 請錄東華門入 帝謂長史曰 遺詔以

吾嗣皇帝此狀云何 癸卯至京師 止城外 楊廷和申

禮部儀請 帝不許 御行殿受箋 錄大明門入 日中

卽位 時久旱 是晨大雨 向午忽霽 中外鼓舞 明日詔

告天下 丙午命官往迎母妃 戊申集百官議崇祀

獻王禮尚書毛澄以定陶濮王漢宋故事進 舉人張

璵諸侍郎王璡言 帝入繼與哀英不類 璡言於廷

和廷和 拂然 遂去 璡禮部 而以汪俊代之 〇大學士

致仕

五月以長史袁宗臯爲大學士承奉張佐戴永爲太監護衛駱安陸松爲錦衣指揮○策士於西角門賜楊維聰等進士○分遣行人存問在籍老臣韓文劉健章懋謝遷王鏊楊一清○以兵科徐之鸞言盡革錢寧等賜姓

六月誅錢寧江彬戮叛逆劉吉何堂等二十六人贈成事孫燧許達官謚○王守仁尚書南兵部○已亥再遣太監戴永迎母妃於途○言官劾尚書王瓊結納彬寧罪狀謫成榆林起彭澤尚書兵部○贈先朝

嘉靖注畧

卷一

三

諫成諸臣陸震余廷瓚劉校何遵林公黼劉鉅孟陽李紹賢劉平甫李翰臣詹軾并削籍黃輦夏良勝萬潮陳九川及成邊徐鑒○禮臣上議以孝宗爲考獻王妃爲叔父母令崇仁王考獻王帝曰父母可移易乎其再議廷和冤紀復上程順濮議帝不聽群臣皆言武宗以神器授陛下有父道焉特以昭穆同不可爲世考其所考禮也獻王雖有罔極恩不可以稱孝廟者稱之因錄魏明帝詔文進覽不報○侍郎吳廷舉自劾與蔣冕好友當寬護先帝南巡時不能遺書責其諫阻有愧韓愈之於陽

嘉靖注畧

卷一

四

城冤奏言臣在扈從日廷舉時致臣書過多獎借與今論異也帝不直廷舉調南工部秋七月進士張璁上疏言皇上倫序當立比之哀英較然不同若稱聖母以叔母則當以君臣禮見恐子無臣母之義謂繼統武宗而尊崇其親則可謂繼嗣孝宗而自絕其親則不可今日宜立廟京師隆尊親之孝斯不失其爲父母矣帝覽之大喜即日御文華殿召廷和紀冕入諭之授以手勅尊崇父母爲帝后祖母爲太后廷和退而上言其不可以御勅封還

八月從彭澤言革冒濫武職太監張永谷大用馬永成陸閣魏彬弟侄封伯及都督指揮者凡傳陞乞陞錦衣官二千一百九十九人

九月癸酉母妃至通州聞朝議欲考孝宗惠甚留通州不入帝涕泗啓太后願避位奉母歸藩群臣惶懼○宗臯卒起費宏大學士

冬十月張璁著大禮或問一編科道盧璣史于光劾璁惑亂不報璁自齋至左順門上之廷和見勢不獲已乃草勅下禮部奉聖母慈壽太后懿旨本生父獻王宜稱帝母宜稱后憲廟貴妃邵氏稱太后帝從

之王午母后至京。錄大明中門入謁見奉先奉慈二殿主事霍韜上言。禮官持議非是。同知馬時中監生何淵巡簡房。濟冬上言如議。○甲午諭上邵太后與獻帝后尊號。廷和不可。○甲戌乾清宮成。○許泰謫戍南海。泰有戰功。雖居寵倖。能小心周旋。士大夫其謫也。人多惜之。○雲南巡撫何孟春勸帝修德勤政。知人親賢。帝嘉納之。又上言。宋真宗稱太祖為伯考。尊與王業者也。考之一字。非可稱於獻王。詔書以先帝為兄。獻王為叔。亦允愜矣。廷和喜其助已。擢為吏部侍郎。○給事中熊浹言。上貴為天子而父

嘉靖注畧

卷一

五

母以王禮處之。安乎。稱帝后而別廟。則大統所生。義恩兼盡矣。費宏以為嫌。遂出之。十一月封王守仁新建伯。守仁稱舉人冀元亨為臣說濠。搆成獄中。尤為含冤。不報。十二月。帝下大禮。或問於禮部。時楊一清家居。遺書吏尚書喬宇曰。張生此論。恐終不免從之。宇不省。除璉南部主事。廷和語之曰。子不應南。為大禮說難我耳。璉鞅去。○林俊自其家上疏。諫阻尊崇所生。廷和薦起尚書工部。○帝諭加典獻帝后以皇字。廷和不可。帝曰。卿言已悉。第罔極之恩。報亦無方。

其兒承朕命。廷和言。若加皇字。是與孝廟慈壽並。忘所後而重本生。臣不能辭責。願罷歸。喬宇率百官極諍。帝不從。禮臣毛澄賈詠汪俊言。加皇字。則正統無別。不可以告郊廟。科道翰林朱鳴陽程昌陳沂等百人各上言。加稱非是不報。○甘肅巡撫許銘嚴覈鎮將侵牟。議減戍卒月餉。總兵李隆不悅。族軍士鼓噪擁入。銘署群毆。銘死。焚其屍。城中大震。太監董文忠擒其渠王禮二。悉隆陰謀。隆懼殺禮二。以徇。巡按許鳳翔喻茂堅上其事。

嘉靖注畧

卷一

六

壬午嘉靖元年春正月己酉朔。○己未郊。○清寧宮小室火。廷和言。典獻帝后之加神靈。容有未悅者乎。科臣鄧繼曾鄭佐部郎高尙賢亦言之。帝心動。乃從廷和議。考孝宗母慈壽。稱典獻帝后為本生父母。○帝初即位。裁抑倭幸。一清亡何。典邸從官。黃緣選叙錦衣數百。皇親邵喜請乞無厭。舊閣蕭敬仍留大內。科臣朱鳴陽因災上疏。不報。○陳九疇初為王璉所構。論成繫獄數年。及甘肅事開。議可以代許銘者。彭澤薦九疇。遂釋獄授僉都御史。巡撫甘肅。并覈銘變上報。○華京通徐淮各倉內官監督。○發內府及太倉積餉諸邊。○廣西融縣盜周克亮嘯聚。僭號流

劫鄉民都御史張嶺平之。

二月詳定朝參禮儀。江西巡按鄭啓元得宸濠子蕭徽私書欲急去巡撫孫燧以湯沐王守仁代因極論徽罪并劾守仁黨惡交通謬膺封爵有旨勿問又有言張子麟交通事下守仁勘守仁奏言當時客有詐爲貴人書以欺濠罔利者或未可盡信耳子麟遂免問守仁奏請父華卹典移書于毛澄澄答書謂華有科場詬議不可予守仁慚恨復書曰執事辱先君至此守仁可以死矣時以是推澄之執。

三月丁巳上慈壽皇太后曰昭聖邵太后曰壽安與

嘉靖注畢

卷一

國后曰興國太后○戊辰遣官之安陸上興獻帝尊號題主不稱考及叔○念翊戴功封廷和冕紀爲伯崔元爲侯皇親邵喜蔣輪各封伯張鶴齡進封國公○山東礦賊王堂嘯聚流劫尋卽定○北虜亦不刺於正德初仇殺小王子懼其子報之率衆走涼州乞我閒地駐牧攻破安定諸王族盤據西海日漸陸梁至是亦不刺之子麻八台侵破諸番落兼有西上○宣府鎮卒謹噪事聞給事中許復禮言邇來政多寬假事尙姑息權奸有罪而輕宥豪卒干紀而不誅疏下兵部○戶兵尙書孫交彭澤言國家歲漕四百萬

石領運則十二總衛所一百四十軍旗十二萬六千八百淺船一萬二千一百四十近者漕規盡弛軍亡船散命總漕都御史覈之。

夏四月吳淞江白茆港訖工東南水利以二河爲要尙書李充嗣承命往濬凡七閱月云。

五月廷和冕紀辭伯封○尙書林俊改刑部○駙馬崔元關說獄情爲主事陸澄所劾併其名帖封入。

上曰刑官執法不聽囑託自其職分何必以名帖封奏顯係好名置不問○上一日欲觀內庫儲積太監張佐奏曰自有冊籍可查不必親閱上止衆侍問

嘉靖注畢

卷一

八

佐何意佐曰寶貨易眩經目或啓靡心也。

六月套虜二萬騎自井兒堡撤牆入固原直抵涇州衛官楊洪劉端戰歿旬日乃去尙書彭澤見邊備日弛請假巡視名目前去會同邊臣從實料理上留之。

秋七月南京大雨水溢

八月封乳母官媼劉氏魏氏孫氏爲夫人○南大理丞黃鞏賀聖壽至京卒。

九月立皇后陳氏

冬十月覈畿內皇莊及勲戚田土巡撫王春勸農各

項田計二十萬九百一十九頃二十八畝其侵占民田二萬二百二十九頃二十八畝俱令還民皇莊改名官地○科道章僑梁世驃各條奏三代而下道學之傳至朱熹大明近有以陸九淵爲簡選朱熹爲支離宜行嚴禁以正士習上曰祖宗表章六經勅從正學欲以成光明正大之業近年士習詭異有傷治化其行督學官論禁○兵部遵前詔查覈騰驤等衛勇士替補太監閻洪奏取中旨免覈給事中毛玉因言先朝谷大用等權移人主宗社幾危皇上繼社宿弊消數年之禍亂近聞從龍內臣漸以納賄招權

嘉靖

卷一

十一

十一

仍蹈覆轍宜暴前人罪惡不復用戒諸內臣保身惜福上然之降旨戒諭

十一月庚申壽安皇太后崩○陳九疇至甘州知李隆殺燬許銘械隆詣京卽訊

十二月給事中陞僉事史道以前疏救王瓊故怨廷和出之遂劾廷和漏網元惡上曰廷和在先朝力阻宸濠護衛諫止南巡不草威武勅道言不直下之詔獄科道于桂曹嘉論救不報尋出道爲州判初科臣章僑奏平濠功次冒濫彭澤不喜科臣徐景嵩陳江劾侍郎趙璜不職璜尋進尚書僑復論之及道論

廷和澤上言廷和輔養聖德小人假言責橫行使廷和澤大臣避嫌求退不可也廷和疏退勅鴻臚宣諭廷和疏請再三同官紀兗暨彭澤孫交相繼求去御史鄭袞奏曰廷和有撥亂反正之功足稱救時宰相史道指爲元惡不已過乎夫避人焚草言官之體道乃先揚其聲至外補而始發之心迹詭秘可見廷下不以此罪道而以排陷大臣下之理是使道有詞也廷和以道言乞休同官以廷和故求退臣恐大禍將移隱憂可畏幸論廷和視事毋要潔已之名○廷和卒謚文懿學者稱爲楓山先生

嘉靖

卷一

十一

十一

嘉靖二年春正月癸卯朔南畿地震○禁言官誣劾大臣御史汪瑄言史道狂妄特一臣之失耳澤欲以此壅塞言路壞祖宗之法不可御史曹嘉請允廷和之去給事中李學曾言大祖設六科關聯六部舉止欺蔽列十三道彈壓百僚事得專達澤何所見而欲紊亂以重大臣之威有旨臺諫官職掌如舊二月丙申附葬孝惠太后於茂陵○毛澄罷○上於乾清宮命內侍數人習學經典講究科儀大學士廷和極諫乃止○文華殿進講畢上召廷和近御座諭曰草場踏勘先帝成命仍聽本監管理李璽免訊

廷和頓首言谷大用假勘地之名混占民產與其利
蠱國之盜孰若溥朝廷之恩上不答○太監趙山
楊聰丘清戴義相繼死各乞磨其姪爲錦衣官給事
中夏言力諫不聽○御史曹嘉品第朝臣五十人釐
爲四等上奏其一資望林俊石珪等八人其二寡過
毛澄金獻民等十五人其三庸衆趙璜秦金等十四
人其四卑污張子麟楊一清等十四人給事中安磐
奏引王珪之論房玄齡解縉之論黃福皆承君命品
藻未有無故而恣其口吻者上有禮貌大臣之心而
小臣肆其輕侮非盛世所宜有也給事中毛玉亦言

嘉靖注畧

卷一

上

之 上惡嘉狂肆令補外御史何信奏曰史道倡異
說曹嘉衍評品皆僉事閭閻鼓之御史劉廷篋言閩
道嘉結黨邀名放言 命各斥爲邊方雜職

三月賜進士姚涑等是科得徐階

夏四月典廟用八份○命宋儒朱熹裔孫爲五經博
士○錦衣百戶張瑾勒索解美主事羅洪戴欲劾之
瑾請受答免劾洪戴從其所請瑾奏洪戴擅撻錦衣
官上怒逮赴錦衣獄考訊尚書林俊孫交力救不
報

閏四月太監崔文奴李陽鳳橫索巷伍征役錢御史

劉黼發其事刑部執陽鳳鞠之文囑林俊勿問俊不
可文遂請旨移訊錦衣俊執不與文劾俊抗旨上
切責俊刑主事楊永奏曰舜爲天子不撓臯陶之法
刑部按一廝養而奪之何用士師爲哉給事中趙漢
奏曰陽鳳事甚小而崔文能致尚書之詰責事大文
收捕告人捶之叱曰此答寄與尚書其威侮如此則
劉瑾不難爲矣○科臣鄭一鵬奏曰邇者禱祀繁興
諸宮各建齋醮西天西番漢經諸廠亦有之先帝已
誤陛下豈容再誤恐拂士之諫不忍違倖倖之請
臣所未解也 上曰天時饑饉齋祀暫止

嘉靖注畧

卷一

上

五月大旱又有雷震城竿之異御史秦武指切時事
上責其狂率南科彭汝實奏曰應天以實不以文
燕閒虛費於女寵腹心委託於貂璫而望天意之回
難矣○鄞人宋素卿奔日本正德初國人源永壽偕
來貢其族人議之告素卿附夷守臣以聞置不問至
是其主源義植幼政在強臣左右京兆內藝興細川
高藝興遣僧宗設川高遣僧瑞佐及素卿各來貢先
後至寧波而市舶司閱貨宴坐向以至先後爲次素
卿賄太監佐後至而先閱又坐設上設怒遂相殺太
監陰助佐援之兵設愈怒遂燬嘉賓堂劫東庫佐奔

紹興設追至城下。通令鄉佐獻出乃去。設衆至雷州。洋殺都指揮劉錦千戶張鏜。又自有王嶺迹至小山。浦殺百戶胡源。巡按歐珠奏聞。

六月有星孛於天市。上御平臺召廷和。紀宏面諭。獻帝太后皆加皇字。廷和等頓首固止。○科臣周瑯請爲安陸立後黜崔文誅李隆以弭天變。

秋七月製興廟樂章。○初定國公徐光祚奏土豪久隱功田下順天撫按勘。永平知府郭九臯覈係姦民趙紀違例投獻。駕言吞隱。紀遂赴東廠告九臯多受金錢曲斷。太監芮景賢奏之。時九臯移守臨洮。遣官嘉靖注畧

卷一

十一

尉之臨洮收之尚書林俊奏曰。人主宜攬大綱。卽九臯貪忍不妄。陛下不免以天子之尊下侵有司之事。今據單辭而奪衣冠。甚非德美。不報。科臣劉濟章僑劾景賢亂政。上怒奪俸。南京科道鄭慶雲等交章言逆瑾復見於今日。不報。○林俊稱病乞骸骨。于致仕。差司屬官護送歸。○皇親陳萬言營新宅。尚書趙璜不可。萬言訴於上。謂郎中葉寬主之。詔逮寬卽訊。○科臣劉最奏曰。崔文導陛下於有過之地。法官深嚴。恣爲禱祀。侵費帑金六七萬。上優。古慰文責最。覈實帑金侵費最。奏內帑不可查覈。

上怒最妄言。着外補。科臣衛道汪思上章弔。上切責之。

八月河南大水。○楊廷和十二歲考績。加太傅辭不受。○給事中孟奇言。先朝姦黨魏彬張銳錢寧廖鵬與曹陳諸侯伯爲親之數家者。或其先連婚帝室。或銘勲太常。惟利是求。曾無覲顏。上命禁之。○光祿少卿華湘言。堯時冬至初昏昴中。日在虛七度。今冬至初昏室中日在箕六度。未四千年而差五十度矣。至元辛巳改曆至今歲差一分五十秒。今差三度六十四分五十秒。夫至元距洪武甲子。僅一百四年。今嘉靖注畧

卷一

十四

則二百四十三年矣。乞訪知者詳定歲差以成一代之制。○御史王國用私假劉最符檄乘傳爲東廠芮景賢刺及卽逮最。國用下鎮撫司訊最。謫戍國用降外。

冬十一月南刑主事桂萼上言大禮畧云。孝宗自有子。不可復爲立後。臣按范純仁謂英宗親許爲仁宗子。與入繼之主不同。皇上果許爲孝宗子乎。併錄席書方獻夫之疏上進。書疏畧曰。皇上尊爲天子。而父母無尊稱。於情安乎。此與武王追王之心未遠也。獻夫畧曰。陛下之繼二宗。當繼統而不繼嗣。與

獻之異群廟。當稱帝而不稱宗。請改孝宗曰皇伯。獻帝曰皇考。別立廟祀。則當於各實矣。上曰。此係綱常大事。會群臣集議。○傳陞供奉夫人弟邢福。海願錦爲錦衣官。科道夏言。屠僑諫阻不報。

十二月太監刁永請遣內臣之蘇杭織綺繒。上命廷和撰勅。科道張原吳瀚疏諫。廷和請收回成命。

上切責廷和抗違。廷和稱病乞休。遂致仕。○南京地震。大雷電以雪。○錦衣官王欽王錦。侵負鹽價百餘萬。論斬繫獄追贓。忽出中旨免。編戍勿追。科臣劉瀚疏諫。又有錦衣李洪陳宣。睚眦殺人命奪級。濟奏

嘉靖莊畧 卷一 主
言法司平理庶獄。必使罪協其情。天子不得以喜怒重輕。今洪宣奪級。欽錦編戍。與王國用劉最一律。其何以示天下。○彭澤罷。以金獻民代。

甲三年春正月丙寅朔歲填次管室。丙子五星咸聚。辛巳五星皆伏。太白先過壁。光祿少卿樂護奏曰。五星之聚。是謂改易。有德受慶。無德受殃。故聚房周祚。

以呂聚箕齊桓用霸。漢興聚井。宋盛聚奎。昭然在德。天寶聚尾箕。而唐德弗稱。旋有祿山之禍。易簡寡欲。修德之大乞。陛下勵精而實行之。○郊祀畢。例有慶成宴。上以災歉不舉。○大理卿鄭岳請於畿內

河南督居民開田築隄防以障汎溢鑿溝渠以通澮。其平疇曠土無川澤之利者。量鑿洫澮。或爲陂塘。下通水泉之出。上收雨潦之入。數年之後。皆爲沃壤。而水旱不足憂矣。

二月以太監張準提督京城九門。○主事侯廷訓據宗法爲大禮辨。尙書汪俊以爲至論。尙書喬宇率九卿上疏。必以孝宗爲考。而後大宗爲不絕。前後章奏。惟張璉霍韜熊浹桂萼議同。餘二百五十人。皆如部議。科道張璠鄭本公等六十三人。各抗章。力言當從

議。上怒。悉奪其脩。修撰唐臯言。陛下宜考所。後以別正統。應所生以備尊稱。上謂其模稜兩可。亦奪俸。於是汪俊更議。帝后各加一字以備尊稱。不報。楚王榮滅。以儀賓沈實疏上。代府長史李錫南院

經歷黃綰錦衣千戶聶能。各上疏與璉萼合。上命召璉夢書韜來京。○興國太后千秋日。命婦入見。宴賓倍常。○科臣鄧繼曾請勿各改過。加戮儉人。上大怒。逮下詔獄。○南畿饑甚。民多相食者。巡按朱

衣奏聞。○晦日。昭聖太后聖旦。有旨命婦免朝賀。御史朱淵言。皇上孝事兩宮。常如一日。茲者朝賀之儀。典國太后舉行。昭聖報罷。禮數所失不小。御史馬

儀。典國太后舉行。昭聖報罷。禮數所失不小。御史馬

儀。典國太后舉行。昭聖報罷。禮數所失不小。御史馬